

- Sumptaque pro Domino sacrisque Deo reparandis
 In gravibus penis et fletibus arma relinquo?
 Tendere qui vitam miser in post pauca futurum,
 15 Quod nova de celo veniens victoria lumen
 Promittit populo post nubila tanta fideli,
 Fatorum vetor invidia mortisque propinque.
 Ergo oculi pereant iustoque dolore liquescant,
 Et lacrimis sine fine fluant, quibus ista negantur.
 20 At tu qui regni triplicis moderaris habenas,
 Nam maris et terre dominator et etheris esse
 Crederis, auxilium miseri miserere petentis,
 Et quia iusticie rex et pater es pietatis,
 Fer pietatis opem post iusta flagella precanti.
 25 Ne patiare michi per mortem lumina claudi:
 Spes michi rem pariat, valeamque videre priusquam
 Electe florem virtutis, et armipotentis
 Altum milicie decus, invictique Philippi
 Regis in ore iubar, sensus in pectore dotes,
 30 Fulmen in ense minax, metuendum in casside fulgur,
 Eius et exleges videam sub calce tyrannos,
 Horribilesque crucis signo dare terga cohortes:
 Quam validas habeat vires, quam fortiter hostes
 Conterat, et cunctis precellat Francia regnis.
 35 Non minus exsuperet quam sidera solis imago,
 Quam feritate feras leo, pisces belua ponti,
 Maior et alitibus aliis Iovis imperet ales¹.

Scedula nundum clausa cum subisset animum, quod super absentia mea deberem vos aliquo rithmico carmine consolari, vosque iuxta vestram consuetudinem in² duplicibus festis non habere de sancto Lupentio³ laudem precedentem ad legendum evangelium, scribere placuit et vobis mittere de eodem ymnium Saphico pede currentem, et precurrentem fistulam laudationis, tubam evangelice lectionis.

1. Martyr insignis sacer et sacerdos,
 Quem tue laudis modulamur hymnum,
 Blandus acceptes tibi supplicamus,
 Sancte Lupenti.

2. Iura qui propter Domini subisti
 Carceris tristes tenebras iniqui,
 Digna perpessus mala criminosis,
 Crimine liber.

1) 'alis' Hs. 2) 'inter' Hs. 3) Die Pfarre Saint-Louvent de Pocancy wurde vom Cantor vergeben. Die in Châlons einheimische Tradition war abweichend von Greg. Tur. VI, 37. Im Sprengel von Châlons war die That geschehen.